

**ՀՀ ԲԱՐՁՐ ՏԵԽՆՈԼՈԳԻԱԿԱՆ
ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐՈՒԹՅԱՆ
ԲԱՐՁՐ ՏԵԽՆՈԼՈԳԻԱՆԵՐԻ ՎԱՐՉՈՒԹՅԱՆ
ՊԵՏԻ ՊԱՐՏԱԿԱՆՈՒԹՅՈՒՆՆԵՐԸ
ԿԱՏԱՐՈՂ ՄԱՐԻԱՄ ՄԱՐԳԱՐՅԱՆԻՆ**

ՀԱՇՎԵՏՎՈՒԹՅՈՒՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐ ՏԵԽՆՈԼՈԳԻԱԿԱՆ
ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐՈՒԹՅԱՆ ԲԱՐՁՐ ՏԵԽՆՈԼՈԳԻԱՆԵՐԻ
ՎԱՐՉՈՒԹՅԱՆ ՓՈՐՁԱԳԵՏԻ ԿՈՂՄԻՑ 2025 ԹՎԱԿԱՆԻ ՀՈՒԼԻՍ-ՍԵՊՏԵՄԲԵՐ
ԱՄԻՍՆԵՐԻՆ ԻՐԱԿԱՆԱՑՎԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ**

Հաշվետու ժամանակահատվածում կատարել են հետևյալ աշխատանքները.

1. Հայաստանի բարձր տեխնոլոգիաների ոլորտի զարգացման ռազմավարական ծրագրի մշակման հետ կապված աշխատանքներ, մասնավորապես.

- Բարձր տեխնոլոգիաների ոլորտի զարգացման ռազմավարական ծրագրի մշակման շրջանակում համակարգել են աշխատանքները, աջակցություն են տրամադրել ծրագիրը մշակող «Ամերիա» ՓԲԸ-ի թիմին, նախաձեռնել և կազմակերպել են հանդիպումներ թիմի և շահագրգիռ կողմերի միջև՝ ապահովելով աշխատանքների իրականացման համար անհրաժեշտ տեղեկատվության հասանելիությունը և աշխատանքներին առնչվող որոշումների արագ կայացումը:
- 2025թ. օգոստոսի 18-ին «Ամերիա» ՓԲԸ-ի կողմից ներկայացվել է ռազմավարական ծրագրի մշակման վերլուծական զեկույցի նախագծի առաջին տարբերակը, որից հետո ապահովել են նախագծի շրջանառումը համապատասխան ստորաբաժանումների միջև, ներկայացրել են դիտողություններ և առաջարկություններ նախագծի վերաբերյալ, ամփոփել ու կատարող թիմին են փոխանցել ստացված կարծիքները և կազմակերպել են հանդիպում կատարող թիմի հետ՝ ներկայացված դիտողությունների ու առաջարկությունների քննարկման նպատակով:
- Աջակցել են կատարող թիմին վերլուծական զեկույցի մշակման շրջանակում նախաձեռնված բարձր տեխնոլոգիական ընկերությունների, արտելերացիոն/ինկուբացիոն ծրագրերի, վենչուրային/բիզնես հրեշտակների ակումբների համար մշակված առցանց հարցաշարի տարածման և լրացման գործընթացին:

2. «Բարձր տեխնոլոգիաների ոլորտի պետական աջակցության մասին» օրենքի կիրարկումն ապահովող աշխատանքներ, մասնավորապես.

- Հայաստանի տեղեկատվական համակարգերի գործակալության թիմի հետ համագործակցությամբ՝ համակարգել են աշխատանքները՝ ապահովելու բարձր տեխնոլոգիաների ոլորտի պետական աջակցության 2025 թվականի 2-րդ եռամսյակի հայտերի առցանց ներկայացման և որոշ քայլերի թվայնացման գործընթացները: Մասնավորապես՝ մասնակցել են Ծառայությունների ազգային հարթակում և աջակցության հայտերի ներկայացման համապատասխան էջերում հրապարակվող տեղեկատվության բովանդակության մշակմանը, քիզնես պրոցեսների նկարագրման և գործընթացի օպտիմալացման աշխատանքներին, հանդիսացել են նախարարության կոնտակտային անձը՝ Գործակալության ծրագրավորման թիմին և ՊԵԿ-ի աշխատակիցներին տրամադրելով անհրաժեշտ տեղեկատվություն, առաջարկություններ, դիտողություններ և պարզաբանումներ:
 - Օգոստոսի 22-ից սեպտեմբերի 20-ը ընկած ժամանակահատվածում ապահովել են 2025թ. 2-րդ եռամսյակի պետական աջակցության հայտերի ներկայացման անխափան ընթացքի, լիազորագրերի էլեկտրոնային համակարգ մուտքագրման աշխատանքները, ինչպես նաև համակարգել են հայտերի ռեգիստրի ձևավորման և ամենօրյա թարմացման, հայտերի վարման, ստացված հայտերի առաջնային ստուգման աշխատանքները, կատարել են վիճակագրական վերլուծություններ, մշակել են գործընթացի վերաբերյալ այլ տեղեկատվական նյութեր:
 - Ապահովել են համագործակցությունը Հայաստանի տեղեկատվական համակարգերի գործակալության և ՊԵԿ-ի պատասխանատուների հետ՝ նպատակ ունենալով 2025 թվականի 3-րդ եռամսյակից սկսած ապահովել պետական աջակցության հայտերի ընդունման, աջակցությունների չափի հաշվարկի և պայմանագրերի կնքման աշխատանքների լիարժեք ինքնաշխատ իրականացումը: Այս շրջանակում հաստատվել է պարբերական առցանց քննարկումների ռեժիմ՝ շաբաթական մի քանի անգամ Գործակալության թիմի և շահագրգիռ կողմերի մասնակցությամբ:
 - Ներկայացրել են առաջարկություններ «Բարձր տեխնոլոգիաների ոլորտի պետական աջակցության մասին» օրենքի և դրանից բխող այլ ենթաօրենսդրական ակտերի փոփոխությունների և լրացումների վերաբերյալ՝ ուղղված կարգավորող նորմերի հստակության ապահովմանը, գործընթացների լավարկմանն ու համապատասխանեցմանը թվային օպտիմալ պրոցեսներին, իրավական բացերի վերացմանը և շահագրգիռ կողմերից ստացված առաջարկությունների հասցեագրմանը:
- 3. Գիտական հետազոտությունների և փորձարարական մշակումների (R&D) աշխատանքները որպես այդպիսին որակելու աշխատանքների գործընթացին աջակցություն.**
- Կատարել են շահագրգիռ մարմինների, մասնավորապես, ՀՀ ԿԳՄՄՆ բարձրագույն կրթության և գիտության կոմիտեի հետ համագործակցության ապահովման, R&D աշխատանքները որպես այդպիսին որակելու 2025թ. 1-ին եռամսյակի հայտերի

ուսումնասիրման գործընթացի վերաբերյալ շահառուներին համապատասխան տեղեկատվության տրամադրման և այլ աջակցող աշխատանքներ:

4. Համագործակցություն ոլորտի շահառու ասոցիացիաների և կազմակերպությունների հետ.

- Հաշվետու ժամանակահատվածում մասնակցել են ոլորտի շահառու ասոցիացիաների և կազմակերպությունների հետ մի շարք առերես և առցանց հանդիպումների և քննարկումների:

5. Այլ աշխատանքներ

- Հավաքագրել, մշակել և նախարարության աշխատակիցներին տրամադրել են նրանց կողմից պահանջված տեղեկատվությունը:
- Պատասխանել են այլ պետական մարմիններից ստացված պաշտոնական գրություններին:
- Պատասխանել են ոլորտի կազմակերպությունների և քաղաքացիների կողմից ստացված գրավոր հարցումներին և դիմումներին:
- Պատասխանել են շահառու կազմակերպություններից և քաղաքացիներից ստացված հեռախոսազանգերին՝ տրամադրելով անհրաժեշտ խորհրդատվություն:
- Կատարել են մի շարք այլ ընթացիկ աշխատանքներ:


ԲՏ ՎԱՐՉՈՒԹՅԱՆ ՓՈՐՁԱԳԵՏ


ստորագրություն

ԼՈՒՍԻՆԵ ԹՈՎՄԱՍՅԱՆ

«29» սեպտեմբեր 2025թ.

Հաշվետու ժամանակաշրջանում կատարած աշխատանքները գնահատում են « ցելայան »


անմիջական ղեկավարի ստորագրություն

ՄԱՐԻԱՄ ՄԱՐԳԱՐՅԱՆ

«29» սեպտեմբեր 2025թ.